





備廬聯語序

晚近世變日蹟人事酬酢亦因而愈蕃贈答慶弔不能無假於文詞以摭其情愫聯語之作則醜世文之一種也顧塵纓羈縛類皆由敦迫局促以成文可詠可歌端資妙筆

袁潔珊先生熱腸俠骨情深文明其遇朋好尤豁露天眞殷殷致意所爲聯語精粹者幾與求闕齋相頡頏年來積成卷帙儻不及時收拾懼便散佚爰付剞劂公諸同好吾知讀是編者見其滿目琳琅必有如與

先生快晤於一堂而欽挹弗置者固不獨付印者流播文藻之意爲可嘉也丙寅仲冬北鎮李維楨

備廬聯語甲集

乙卯

輓史曜五母夫人

至性媿淮安曾聞到臂療親天心頓挽

因公趨偃室未識隔屏窺客母意云何

年曜五任吾遼州牧三年母曾在任就養

惟仁人乃有仁言香爇萱堂祝版銘心通帝座

是賢母始生賢子歡承棠舍板輿回首憶遼陽

又代

事親能孝事夫能賢教子以忠教婦以順

持家克勤持身克儉遺言可誦遺範可傳

孝行比割股剖肝庸德動天當代女宗額錫字

令子能推心置腹頌聲載道襄平善政口皆碑



女宗樹當代表坊里黨稱賢主座褒崇輝寶額  
哲嗣作蒼生霖雨紳耆戴德政廳聲績冠陪京  
桑海閱春秋回首通遼潘岳板輿瞻奉母  
花亭告天帝抗懷清獻趙公祝版比焚香

三千里遊子歸來侍疾雖數旬羨大好官聲母當含笑  
一兩幅褒辭寵錫樹型冠當代問吾鄉坤道誰實嗣音  
里鄙稱賢遺徽好樹閨門式  
洮遼頌德教子能成政治家

又代雨帥

我本軍人佩令子兵站宣勤蒙境膚功資後路  
母留慈範看主座褒辭錫寵女宗寶額耀前楣

新年春聯

明月綠楊好共芳鄰接洽

春風紅杏欣看大塊文章

插架芸香對往籍古歡若接

當窗草綠與自家生意一般

輓趙鵬展局長母夫人

萱草戀春暉方欣瀋水來遊潘岳板輿瞻奉母

蓼莪吟臘日太息慈航遠逝皋魚血淚痛呼天

丙辰

輓本溪煤鐵公司王介臣科長之第二如夫人

代蘇上五

藁砧綺恨幾時銷料每逢柏葉光陰輒欲招魂蘭閣

卒於正月

裙帶芳情何處繫猶應望桃家姊妹

王連納小星二氏因氣而卒

從今好事檀郎

輓熊信三

代

君本磊落才走萬里路讀萬卷書聲望軼同儕玉樹森森流秀韻  
天留缺陷憾抱四方憂享四旬壽几筵開悼會竹林策策起悲風

輓金靜忱代

以隻手創百萬家私是何等魄力何等經綸社會幾如公度日成功留矩矱  
每回首溯特別瞻注幸聯為姻親聯為世誼殷勤常顧我臨風想像悵生平

輓愛新覺羅母完顏太夫人

風範仰持家德育英才兩子大學卒業玉樹爭標京國望

月台曾僦屋在京師月台大門同院住年餘近依慈蔭綠楊分得畫堂春

輓畢輔廷知事尊人

有子現宰官身德洽本溪輔廷署本溪篆遼左咸沾賢父澤

維公留後輩式風高長埠係長春人天南遙墮老人星

輓趙壽山母于太宜人

萱草戀春暉方期官舍侍親板輿潘岳  
蓼莪披斷簡詎意慈航逝影血淚皋魚

輓王潔南代

園法待籌潘水來游幸獲識荆邀晤話  
哲人頓萎延陵悵望那堪掛劍賦招魂

輓陳介卿母賈太夫人

有子振軍界紀綱剛正嚴明兵憲規條嫻虎略  
維母留家庭模範端莊淑慎女宗聲望重鰲邨

家於海城騰鰲堡

又代蘇上五

羨令子術習韜鈴學赴蓬瀛

介卿以留東畢業官京師憲兵司令

萬樹櫻花同載酒

介卿在東喜與上五遊飲

維慈母德貽模範名高梓里一叢萱草痛登堂

輓張子澐

以一身繫全省安危公逝乃行決策辛卯之變始對黨人以和平君死於黨亂乃強硬對待之卒獲安全幾冠全國

惟同輩少先生品格余懷不覺愴然

颯颯悲風牛彘一行西佛為何接引君行抵遠中西佛牛彘為黨人某所害

茫茫後日馬封三尺東陲誰管安危

來日大難著手鄉邦公在是何等力量君為張巡閱所最敬重者

當年小聚談心議會孤懷真獨有性情充常駐議員君落落寡合與余最相契

隻眼識英雄桑梓蒙庥軍民受福

一身殉社會名高庠序氣壯山河

輓趙燕孫

來日大難地棘天荊翻不若遺世仙遊吐棄塵凡撒手別尋極樂處  
識公恨晚詩鐘酒榼猶想見歷官清節翱翔直奉抗懷真有古人風

又

游宦遼東雙鳳飛來琴鶴家聲齊競爽

其兄菱甫有政聲

卜居河上一螺吟罷女牛昨夜爲招魂

卒於七月八日

又代劉海泉

公握縣符我依函丈公司財柄我佐度支十餘年備荷甄陶方期風範親承常此登龍遂願

昨看牛女今悵人琴昨主詩壇今證佛果三五日偶違顏色詎料雲駟駕駛幾時化鶴歸來

輓奎孝廉萃廷

人生最好少年人羣最好良友翼舍奮雲程劇難忘肄業萃升捷足先登興會科名

看秋榜

曩同肄業藩垣萃升書院

君來我未晤面君病我未聞聲官齋驚電耗萬不料棲遲旅困招魂遽賦淒涼書劍

委春華

卒於藩陽春華旅館

輓温母伊太夫人

志在四方之謂何最足欽訓懷萱堂有子軼凡才秀幹亭亭森桂樹  
壽享七旬而猶靳更可悵皈依蓮座闔門思令範悲風策策動竹林

五子皆矯然自立

輓梁任公尊人蓮澗先生

覺世牖民有子任天下之重

淑身濟物當今舍先生其誰

輓湯濟武母張太夫人

出處繫安危物望攸歸有子爲人倫師表

時官教  
育總長

生平問遭際諸艱備歷惟母稱當代女宗

輓湯濟武元配夏夫人

慈座追隨願向泉臺伸孝養

後湯母三日而亡

片帆無恙魂從瀛海賦歸來

卒於東洋



清兒完婚喜聯

玉映珠輝百年佳耦

蘭芳菊秀九月良辰

敢云家運如何生兒尙期克肖

自古名言可佩教婦惟在初來

輓施豈凡

當世方賴斯人鵲起鷹揚甚羨凌雲騰健翮

留東士官學校卒業在京講武堂任教務卒時僅逾三十士論惜之

吾鄉又弱一个蘭摧玉折那堪驀地挫英材

丁巳

輓扈仙舫

在總商會主稿數年杜門謝客意興蕭然

在 cities 市如在山林對擾擾塵寰偏能匿迹銷聲別存懷抱  
變桑田又變滄海悵茫茫前路胡弗高舉遠引竟脫範圍



輓孫鐘舞之祖母韓太孺人

令孫乃教育專家憶從東海帆迴實業造許多子弟

鐘舞時爲工業學校校長

大母著閨門懿範太息西山日薄重闈賸想像音容

輓趙芸齋之尊人岱封先生

有子具宰邑材猷花縣春濃前路羽豐凌健翮

家於前營城

行人指點說芳型

輓鎌田所長夫人菊子

東瀛仙子御靈槎鸞閨影逝鹿島魂歸恰當柏葉香時撒手定含思女淚

卒於正月

又代

鹿島返芳魂可堪睽戀雙雛臨逝猶含思女淚

鸞閨留肖影最悵淒涼孤鶴獨眠應觸望羣心

輓同里吳興邦

衡宇重同鄉相友相助相扶持休戚攸關回首有如昨日  
滄桑思往事爲公爲私爲社會音塵頓隔傷心竟到今朝

輓宗室鍾啟之尊人清江先生

衡宇結芳鄰記曾地址鶯遷同此月台小住  
滄桑思往事最佩天潢龍派何人風範相如

輓王毓民母薛太夫人

子孫抱雋異才官場學校成績昭然聲望重陪京瑞輯一堂爭豔羨  
閨門留模範史蘆荻熊丸懿型宛在雲霞粲瑤島圖開九秩看全歸

輓丁屆辰

軍械廠長

之父撫仲先生

死於匪難

有子具虎豹雄韜爭看紫電青霜嚴裝武庫  
如公應松喬上壽詎意淒風苦雨竟赴泉臺

又代

天醉胡為誰向三生談絮果

公歸安往我來二月仰松邱

輓方梅生之胞兄蘭生

轉瞬古稀天胡此靳

十六年九

愴懷今世人之云亡

輓賈炳卿之祖母劉太宜人

壽逾八旬懿範式閨門闕北鳳書褒節孝

春回三月奇葩燦瑤島海東烏使迺歸來

輓趙嘯廬先生

次老之胞弟

儒雅風流世有幾輩

抑塞磊落公本奇才

輓張紀辰之父錫三先生

壽享七旬閱盡桑滄浩浩乾坤鶚睨鷓飛傷往事  
春回二月蔭留蘭玉茫茫城郭鸞驂鶴化盼歸來

輓鐵嶺楊古亭

紹時

大名慕楊龜山一瓣香薰心甘弟子  
理學繼郝雪海六旬壽考首重膠庠

輓同善堂堂長王熙春之尊人襲卿先生

有子爲慈善專家濟溺起衰看他八百孤寒羣依覆幬  
惟公留里閭雅範年高德劭脫此三千世界厭覩滄桑

輓郭鳳五暨其繼配欒孺人

攜手賦同歸婦隨夫唱泉路偕遊奄化在一朝痼疾爭拋俗累  
回頭思往事排難解紛鄉鄰是賴睽違剛數月驚聞竟作古人

某君六句祝聯

閱歷滄桑天周甲子

逍遙杖履人是羲皇

輓浙江軍署參謀長趙聯璜

代楊鄰葛

議席幸識荆京津聚首時接雄談方欽霞舉軒軒展厥韜鈴指日挽回厄運  
棋枰未了局風浪縈心正需健者詎料電傳咄咄變生咫尺驚天竟隕臺星

輓莫月樵之母徐太夫人

瀛眷寄京門親操井臼辛苦獨嘗共欽教子成名媿美熊丸常留閨範  
板輿奉官舍歡侍鸞幃瞻依綦篤詎料還鄉棄養迎來烏使遽返瑤池

節烈顧鄒氏建坊刊聯

詠柏舟詩有始有卒母也天只乃能相諒  
過石闕下為坊為表後之覽者其感於斯

輓榮錦廷繼配王夫人

衡宇重居停綠楊分蔭紅杏偃春憶自我結鄰每聞人比蕙蘭生子寧馨森玉樹  
藁砧增感想蠅帳風淒鴛帷月冷問遊仙何處棖觸星窺牛女招魂哀悼向珠林  
奉天師範學校成績觀摩會

不陵以施相觀而善

允矣君子展也大成

肇子岐附祀僧親王祠爲撰聯語

功在地方雞犬桑麻萬姓歌謳思捍衛  
典褒忠義馨香俎豆千秋名字播清芬

輓堂嫂陳孺人

到吾家四十年閩範常存荇菜葛覃共說幽閒貞靜  
阻道途百餘里靈帷遙望遶雲瀋水那禁感喟唏噓

傳廬聯語  
輓呂星五先生

人倫師表道學淵源惟先生汲汲修名恭儉溫良舉世允堪矜式  
理欲之關出處所係悵此後茫茫前路危疑震撼有誰再賜箴規

又代

聞先生之風信中庸不可能也

示後學以的微斯人誰與歸歟

戊午

代徐沐臣輓星五

公爲戚里葭莩行表言坊道學重遼東青史他年留列傳  
我亦門牆桃李耳提面命音容思硯北黃泉此日哭先生

又代蘇蒼岑

名閥有傳人呂叔簡以還允堪繼武



鄉賢應附祀賀克恭之後得與斯文

沒世而名稱志潔行芳獨向先儒循矩矱

斯人竟長逝山頽木壞誰爲後學作津梁

又代高鈞閣

景慕流連後學失瞻依共悼魯靈光頽矣

高尚純潔先生蓄道德當於宋學案求之

又代劉階辰

威鳳祥麟惟先生可稱人瑞

泰山梁木爲後學永作師承

又代張雨帥

叔世頽風伊誰行表言坊可矜末俗

老成碩德似此品端學粹更望鄉賢



又代王恩溥

遠宦久離鄉每聞來自梓桑極口交稱爭說先生純品  
遺型堪範世恨未獲瞻泰斗望塵弗及莫依有道清光

贈汪少庭

言行為有道之士

經濟是實業所宗

輓張祥五 麟書 少將

具折衝禦侮之材銀岡團部闔邑交稱當日軍聲猶在耳

胡憂傷病沮以歿鐵鑛公司最後一晤臨風想像若為情

輓胡珍甫之母舒太夫人

抱國家植幹材有哲嗣性情接洽道義相孚每憶會議團城橐筆當年冠履濟蹕近

瀛海

留閨門模範史惟老母持已儉勤教子遠大最痛關懷舊里歸旛何日干戈底定望  
滇池

輓歐陽敏卿

君本雅擅和羹倘知味能逢宰天下應如此肉  
我亦曾充食客悵晤言匪遠懷斯人奚以爲情

輓錫清弼制軍

樸誠亮直忠清耆舊說完人好修一代名臣傳  
奉熱川滇湘晉編氓懷故澤競建千秋遺愛祠

又代

公爲完人出處凜然大節

我感知已生平奉若嚴師

又代王恩溥

公本名世才試看滇池專閩遼海籌邊忠鯁清動手簡萬言垂史館  
我深知己感回憶多服備兵熊幡按部甄陶獎拔心香一瓣奉師門

輓佟德一母申太恭人

維老母德其茂哉瑞輯樹護共欽淑行堪傳閩範端嚴熊荻懿型追往蹟  
與哲嗣交有年矣詩賡伐木太息哀思誰寄江流宛轉鳴渾驚浪拍悲聲

德一任鴨  
渾兩江探

木公司  
理事長

輓北鎮稅捐局長錦西崔煥章

心寫軼羣儔方欽圭臬常存勁質不撓錦石千磷比瑜瑾  
手書來幾日詎料人琴頓渺芳踪迴溯蘆花一片擁醫閭

蘇錫蕃任遼東區高等學校校長十年諸生送楹聯乞余撰之

桃李普春陰樹木育材試看久道化成惟先生款款熱誠乃臻此境  
梓桑宣雅教登堂紀盛尤冀有志向上凡吾黨莘莘學子共奮修途

輓湯濟武 化龍

游踪路出瀋陽相與過塵市登殿廷

參觀清宮殿

孰知智慮明防

在秘書廳寫條幅數紙有志慮明防一段

墨

寶長留儼成識語

驀地變生坎部

在坎拿大遇害

迄今檢遺函

到日本後連寄兩函

讀哀狀迴憶深談劇論此情如昨

奚以爲懷

輓蘇州彭子嘉元配邵夫人

遼左憶前遊記從柏署相夫花落訟庭看鶴舞

滬濱方小住豈料藥宮證果蓮開淨土控鸞歸

輓張金坡將軍繼配侯夫人

過重陽恰半月秋容老圃菊殘上將悼亡揮淚筆

望古稀差五年歲算瑤池蓮淨佛家證果謝凡塵

輓王仲英尊人雨卿先生

傳 廬 聯 詠  
霖雨抱慈懷教子當官寧遠綏中萬口咸稱賢父  
密雲標衆望從戎料敵剛勇忠節兩公爭識將才

輓王清中尊人樂三先生

有子著警界聲名看翹楚英材爭誇遠到  
維公留梓鄉模範悵黃花晚節遽賦歸休

輓趙式韓祖昌前輩

大路數槩材莽莽塵寰夫如是夫如是  
靈光頽魯殿肫肫庸行古之人古之人

輓靖鳴岐兆風

公有治邊才看遼源往績大賚賢聲個儻權奇共仰飛鳧到處  
我興懷舊感憶食量兼人酒腸冠坐淋漓酣暢何年化鶴歸來

輓李東園元配衣孺人

逆旅返征輪惜當時玉屑瓊漿歸里未攜延算藥

名山偕大隱悵此後舊奩遺掛愴懷應賦悼亡詩

世學士仁甫榮任國文專修科教授三年學生於卒業時公送楹聯乞予擬之

瀛臺侍從闔苑仙班記曾秉鐸國庠曾任國子監司業教育英才桃李滿門敷美蔭

四座春風三年化雨共幸親承函丈涵濡道澤梗楫指日勵良材

輓紀作舟母魏太夫人

闔範樹儀型維老母壽邁七旬孕德育才迢遞黑山欽淑行

鄉邦司訟獄有令子法持三尺奔喪就道淒涼洮水咽悲聲

輓曾望生母金太淑人

畫稿仿荆關方共欽蘆荻熊丸當代女宗僅見

訃言傳晉絳最可悵遼山瀋水何時旅櫬歸來

山西圖書館徵聯

天下莫強焉試看講易投戈共振刷精神潤色此三晉雲山二陵風雨  
斯文在茲矣甚羨橫經鼓篋際搜羅美備游心於西園翰墨東壁圖書

輓李少博胞弟振明

葬於臘月八日

撒手謝塵寰春草池塘惆悵伯壘成斷響  
皈心逢佛會素車旛旒淒涼臘鼓送歸魂

己未

輓亡友李祝三之母劉太孺人

與令子爲道義交儒雅風流早歲文名重東省  
維慈母抱骨肉痛憂傷病沮暮年沈痼鬱西河

輓洮昌道尹王耕木父冬生先生

哲嗣播聲名惠宣洮水澤沛黑河愷悌慈祥惟賢父斯生賢子  
闕園憑寄託畫仿雲林書宗玉局風流儒雅過其地如見其人



輓董聘儒之母夫人

交情滿三十年與令子振奮鵬程前路相期遠到  
歲曆紀正二月維慈母逍遙鸞駕遺型誰嗣徽音

輓支頤山元配戴夫人

靜好傍琴堂花落訟庭看鶴舞  
迢遙旋桂樹雲垂絕塞控鸞歸

輓張牧原之父壽朋先生

滄海嘆羣飛擾擾塵寰花甲光陰都閱徧  
齊煙瞻九點哀哀孤子麻衣匍匐乍歸來

輓本溪黨承恩姨姊丈

歿於  
花朝

享算踰古稀方共欽鄉望具瞻一帶湖光傍溪曲  
登真逢令節最可悵塵寰頓謝二分春色別花朝



輓傅清節 良佐 尊人子範先生

以義訓勵佳兒早歲龍驤共仰樓蘭符偉績  
有清暉儕往哲耆年鶴化空令商野望高賢

杜襄忱之

父榮階先生  
母劉太孺人

由遼陽八卦溝遷葬東豐之小孤山

曾聞陵谷變遷回首望仙鄉倏越廿年溝瀆潑迴八卦嶺  
所賴子孫賢孝苦心尋吉壤永安雙榭峯巒擁護小孤山

輓慶勤僖公

用仁術運仁心醫國餘方蘇子猶存橘井蹟  
以善因獲善果感人深處堯夫爭篤麥舟情

又代

論功與定遠為偉羌笛邊聲遺蹟神祠唱楊柳  
歸隱當義熙以後藥囊生趣故鄉碩望重粉榆

又

鄉評犖犖公足以傳看營奠營齋此舉直空前後  
諡典煌煌帝嘉乃績論立功立德大名允副勤儉

輓徐籌邊使又錚母岳太夫人

贛館肅靈筵瞻拜徒殷願跂慈幃薦樽俎  
湯陰溯軍閥淵源有自篤生名將掃欃槍

又代

上壽近八旬風範端凝榮典共瞻潭第額  
全歸當五日雲輶縹渺佳城永奠醴泉村

輓翰林學士錫聘之先生

展拜畫堂開最難忘盆花甕酒促膝華筵座入春風和氣融融陪杖履  
春容金殿語猶可憶玉宇瓊樓前身香案垣歸奎宿仙雲渺渺指蓬萊

輓康平張知事孝子 仲友

抱政治經濟之才宦海茫茫頓登覺岸

胡憂傷病沮以歿泉臺寂寂憑弔歸魂

輓溫星五先生

甲冑每擐躬處戎幄四十年卓著勳勞欽汗馬

霓裳剛罷詠距壽筵三五日頓拋塵夢看騎鯨

又代

壽筵剛舞罷綵衣記曾檀板金樽韻譜宮商餘雅調

哲嗣都生成偉器共羨鳳毛麟角材兼文武競佳兒

輓馬母甘太夫人 續卿元配  
炳恩之母

隨宦轍歷十有一城最難忘襄平政績痛剪兇頑內助播徽音靜好琴堂惠雨慈祥

沾梓里

越中秋爲念又五日猶可想周甲光陰長留懿範遠人空悵望淒清丹旒涼雲慘澹  
黯珠林

輓劉老伯母

階辰之  
母夫人

拜母屢登堂猶記琴樽肅客春  
盎慈幃賓席忝曾居和氣融融依繡座  
嗟余初到寺何堪風雨連朝秋生古剎銘旌剛讀罷愁雲漠漠對珠林

輓吳師長興權之尊人

勳績耀旂常看哲嗣百戰功高洮水蜚聲喧衆口  
德輝光梓里聽比戶一般輿頌遼源戴澤沁人心

輓孫贊帥母裴太夫人

專閫具邊才有令子氣肅旌旗萬里龍沙塵不起  
遺型輝女史維老母心貞松柏九天鳳詔節曾褒

龍江公園望祭孫母裴太夫人

備廬聯語  
入望望無涯路漫漫瀋水黑山親舍白雲旌節彌深呼搶痛  
欲歸歸不得愁黯黯龍沙雁磧公園秋草賓僚都動灌將誠

代擬對聯

臺榭未荒涼試看恩露華濡晚景龍沙天意猶憐幽草  
關河翻阻隔最痛靈輿引發遙瞻鸞駕望中祇見白雲

輓白素園

賓席忝曾居猶不忘綠柳黃槐老屋周遮回首南園如昨日  
遺型遙悵望竟未獲素車白馬靈筵展拜羈身北地若爲情

輓崔岱宗之父馨吾先生

詩禮重傳家地望攸瞻庭訓規模留奕世  
光陰成過客天胡此靳古稀歲月是明年

輓吉佩之尊人宗室常福亭公

派別出天潢試看創業艱難俾家事整頓完全有子森森欽偉器  
老成標地望數過古稀壽算將凡塵擺脫淨盡遺謀肅肅仰芳型

輓遼陽齊子中親家

長媳之父

姻好締德門方爲期宿恙頓痊

瀕於死者屢矣

鶴算籌長積日綿聯添海屋

郵筒傳噩耗恨未克登堂一哭龍沙路遠臨風想望悵人琴

代清兒輓其岳丈

展拜屢登堂憶視予猶子雅範親承甥館每趨庭和氣融融依座右

悲傷未執紼悵望遠連天靈輿莫叩都門方寄迹

時在京師大學肄業

愁雲漠漠黯遼東

輓沈科長果卿

八月三十日作時正雪後

距秋節剛浹旬憶當香滿桂輪應共祝花好月圓人壽

幸祕廳獲識面詎料魂歸蓬島那堪此雪晴雲散風寒

輓前廣西巡按使王肖庭先生

祖同

抱端凝剛毅天姿載筆列傳國史立傳照耀簡編憶當兩到桂林慶遠知府巡按使善教人民

聲望曾嘖嘖藉甚

於約法參政時代兩次同事接席雄談瞻仰丰采詎料未周花甲年五十八退翁由桂林歸

自號退翁 夙志彼蒼竟默默償之

集禊帖字贈李東園暨其繼配鄒儀則

俯仰人羣品幽於竹

晤言室處氣靜如蘭

又賀聯

天人皆大歡喜

鷓鴣有奇姻緣

輓賓旗輔國公愛由勒武珪崑山顧問年五十一重陽日病歿

功績冠全旗看整軍瞻畧輔國頭銜恰當紀算五旬奠定蒙疆前路奇勳誰限量



光儀接曩日憶促膝官廳聯歡樂部那料違顏兩月淒涼晚節重陽高會竟招魂

輓孫倬辰母王太孺人

婦代子職母盡父道功其偉哉以隻身枝柱門庭花甲踰三年正欽春盎萱堂壽宇  
宏開綿福算

儉與勤俱耕兼讀課德亦茂矣維慈範儀型閨闈月輪圓四夜詎料秋澄桂闕瑤池  
清淺泛仙槎

輓孫幼谷

葆璿

公固一死生齊得喪獨抱灑落胸襟胡花甲甫過

年六十  
一歲

遽病臥濱江陡斬此古

稀歲月

我曾邀睞注陪讌遊夙仰文章典雅詎菊觴欲到竟人歸蓬嶠空悵望名士風流

輓熊前總理秉三之母吳太夫人

有大德乃享大年緬嚴勅沈樸之風規淑行昭垂慈善性情孚物望



維賢母始生賢子以中和位育爲志事淵源可接儉勤家法奉官箴

又代

維老母算逾八旬慈惠端凝故大德必得其壽  
有才子名高一代文章經濟微斯人吾誰與歸

輓增井清泉顧問 名茂松

認我城爲第二故鄉積歲月恣鈞遊物望允孚能令中外聯歡調劑苦心鑒遼郡  
在東瀛是惟一人格謹言行勤學問天胡不弔忍使椿萱茹痛淒涼老淚灑倉山

倉父

山老人講漢  
學精書畫

輓丁君宗嶧元配姜夫人

藁砧號京國名流風範夙欽秋水伊人懷遠道

蘭閣紹姜嫫淑行雲駟何處春明古刹指長椿

暫厝長  
椿寺

輓牛營長 青山 之父子仁先生

維公花甲纔過有德方期必有年那料逍遙歸極樂  
令子萑苻是靖盡忠正所以盡孝何妨含斂未躬親

輓呼倫貝爾勝介軒副都統

福

翹首企英姿憶頻年變故紛乘保境頌膚功內政外交遺型長在海拉爾  
傾心嚮母國抱五族一家主義臨終留末命歸源返本盛軌追踪哲布尊

輓前營口袁觀察敬安

祚 之父仲青先生

書劍客諸侯劇難忘魯吳橐筆遼瀋停驂羨倦游思返頤養天和儼居碧水仙源別  
業津門娛晚景

科名重閱閱猶可憶薇省深沈液池清淺詎佳節罷登厭捐塵俗賸得黃花老圃古  
稀歲月斬明年

輓鐵嶺曾述堂之母范太夫人

惟大德始享大年數過八旬王母返瑤池萬柄蓮華攢寶座

是賢慈乃生賢嗣名高衆院

時充議員

前修紹雪海滿城桃李樹銀岡

輓鐵嶺彭君拙卿

社會幾經營方共佩紳商團體歷辦多年公論自有真屈指衡量鐵嶺銀岡推物望  
交遊增感喟最可悵冰雪聰明又弱一個解人難再索回頭想望暮雲春樹若爲情

輓陳銘三之父慎亭先生

本領仰持家儻梓桑後輩奉作典型庶積日累勞魄力堅凝爭樹立  
光陰真過客憶杖履當年獲瞻矩矱詎望風想像老成凋謝悵鄉邦

公以居積致富財冠遼南往年曾晤面於遼陽自治期成會

輓陳銘三之母劉太宜人

坤範嗣徽音方共欣繞膝兒孫瑞輯德門昂頭雲路瞻騰達

古稀逾上壽最難得齊眉夫婦駕歸仙嶠攜手蓬壺賦倡隨

歿期祇差數日

輓李雲浦之祖父國富

九旬有二

七十年曰古稀矧歲月迢遙海屋籌添上壽九旬猶溢算

兩三日即歸葬悵關河修阻江垣訃晚生芻一束若爲情

輓南陽吳鎮守使子琴尊人少初先生

惟賢父能繼開北河守汛卓爾不羣老輩樹典型習儉習勤欽令德  
與哲嗣共患難東省保安欣然是賴書生參策畫相需相遇憶當年

又代

投筆奮從戎憶河營戰績賚汛官聲弓冶樹前型壯志直追班定遠  
析薪有令子看東省治軍南陽坐鎮韜鈴標衆望威名如見霍嫖姚

輓李彥春盛唐參謀元配張夫人

僑寄靡寧居劇憐背井離鄉忽忽泉臺閨範誰家嗣響  
望夫真化石苦憶餐風冒雪迢迢海滿行人何日來歸

又代

相別幾暮朝恨鬱藁砧猶餘往事心頭鸞閣淒清對遺照

彥春任滿海兵站司令官  
臨行與夫人因事反目別

後竟成永訣  
意頗悔之

可憐小兒女緒縈衣線祇此淚痕面孔龍江寒沔闕哀忱

輓木蘭熊知事耀南

名良弼  
年四十

正有聞強仕之壯年人盡交稱勤幹廉明前路共期遠大  
合孝友循良為列傳天胡不弔蕭條沈寂收場忍令荒涼

輓葆鏡泉母邱夫人

內助播徽音

健其父  
在

淚灑藁砧洵不愧梁婦萊妻遺照端莊賸懿範

遲歸痛游子

鏡泉在江  
充諮議

愁縈衣線怎當此冰天雪寒嫩江寒沔闕哀忱

又代

二千里外駛征輪有子歸來提命躬承猶向璇閨親耳面  
六十年餘標令範維母聖善音容頓隔那堪萱舍悼心顏

輓卸署西安熊知事慕韓

名子英

世方需政治法律才楚北遼東曾共欽數載賢勞英聲藉藉卸任後有公累以抑鬱歿年三十九  
君竟以寅畏廉謹病荆天棘地那堪此一官累贅宦海茫茫

輓譚琢卿祖任母許太夫人

父爲賢太守夫是名翰林淑行著閨門曾共欽肅肅徽音梁案桓車彤管當年樹風  
範

儒就性理書佛奉如來法女宗仰京國最可悵迢迢嶺表蠻烟蛋雨素旛何日駐雲  
輦

輓宋星五玉奎君以古文名家貧身弱前有書來謂臥病四十餘日勢必不起

以後事相託閱數日訃音至矣

貧比曼卿羸如長吉文追惜抱詩出杜陵嘔心著作有鴻編方共期拔幟騷壇當運  
轉通亨俯仰晚年差自慰

烏拉設帳省校授經史館荐賢政廳橐筆回首交遊整卅載那復料分襟瀋驛竟書



來訣別淒涼苦語不堪聞

庚申

輓金息侯母錢太夫人

與哲嗣共事奉垣研政見勵躬行遊子歸故鄉方為期寸草春暉萊綵纏綿不孤負  
老人手線

維慈母流芳閨範肅家箴垂禮訓古稀宏壽宇那復料瑞萱冬萎京門匍匐竟震搖

遠道心旌 太夫人年七十三息侯以終養回杭母歿時在京甚抱恨也

又代

生子以名教是非為己任孰登龍門風格如親李元禮

維母有謙順恭儉之訓詞永垂鴻範儀型何讓曹大家

輓齊蓬閣母張太孺人 七十四歲夫子衡暨長子均於庚子殉國難

憂患賸餘牛卒持家復業教子成名巾幗播彤輝堅苦卓型高月旦



古稀逾壽算詎荻畫倦勤蘭陔棄養光陰催臘鼓淒涼寶婺悵星沈

輓龍少怡祖母馬太夫人

代

並李向兩母而爲三大義凜然凡登龍門爭欽節孝

俾子孫諸賢皆第一威名藉甚試瞻虎帳始識英雄

與文孫邂逅奉垣瞻丰采陪讌游韜畧繼家聲投筆從戎年少將軍驚燕領

維老母堅貞閨範訓孤兒成偉業苦心竟初志榮門褒典旌揚節孝荷龍章

夫爲總兵子爲總兵簪珥佐軍需梁國奇勳桴鼓聲中酣助陣

母是人傑孫是人傑韜鈴恢將畧班生壯志毛錐投罷覓封侯

輓鐵嶺孫丹階母李太君

相夫挽鹿課子丸熊淑範景銀岡允堪嗣太姒徽音玉樹森森繞膝緝繩成國器

殘臘遊仙古稀逾算懿型膺彤管最可痛考叔純孝黃泉寂寂摧肝悽悻悻人心

輓參謀總長張子志之父文軒府君

代

仙遊殘臘壽踰古稀悵岱色蒼然木壞山頽當代典型輝簡冊  
子總軍符孫誇將種看威名藉甚龍跳虎臥滿門勳業照寰瀛

輓畢植臣

桂芳

母陳太夫人

時年九旬有一

九十年德範端凝憶鹿挽熊丸靄靄慈暉京國女宗耀彤管  
一萬里威名洋溢看龍沙雁磧觥觥哲嗣疆圻將畧蘊韜鈴

輓張旅長星五胞兄雲程先生

軍績冠江垣每欽鶴頌壘和鶴算綿長開壽域  
春陽回塞上最悵雁行雲斷龍沙浩渺咽悲聲

梁子章

壽相

母潘太夫人七旬祝聯

慈暉壽秩高初臘

稱觴於臘月某日

孝女詩軒綯曉霞

有才女著曉霞軒詩稿問世

贈王敬生聯語

霖雨慈祥儲偉抱

鳶魚活潑暢天機

輓杜錦章少將尊人茂軒先生

滄海激羣飛有令子虎臥龍跳卓越武功曾向川邊留戰績  
齊煙指九點悵此日山頽木壞老成碩望巍然魯殿溯靈光

輓殷獻臣

鴻壽

伯母孫太夫人

維節孝特荷殊榮壽逾九旬閨壺女宗褒北闕  
有子孫世濟其美名高羣將津門碩望重西沽

二女慶瓊納采聯語

及公子同歸穀我士女

勿父母貽罹宜爾室家

輓赤塚源五郎

赤塚總領事之胞兄以調查實業卒於滿鐵病院

僑札有奇緣縞紵歡聯曾與季方稱莫逆

喬松斬上壽瀛洲路阻那堪長吉赴修文

又代

與哲弟稱莫逆交每當尊酒言歡邂逅札僑如舊識

惟我公抱實業志詎料半途稅駕淒涼滿鐵為招魂

輓公府祕書王古愚振堯先生

盛會憶松筠

宣統三年各省諮議局開聯合會於松筠菴

屈指濟濟名流

湯濟武譚祖菴孫伯蘭梁伯強謝敬虛諸人皆在會惟

君氣勁骨堅別有深心蘊懷抱

槩材萎植幹蒿目勞勞景象悵我志同道合聞來噩耗獨悲涼

輓撫順張魁廷欽元親家

見理能真赴機最捷剛明果毅冠絕羣儔試衡域內人才有猷有為百里仰耆英風

範恍如麟鳳

相識恨晚每遇輒欣朋好姻親幸聆緒論奈屆天中佳節成仙成佛五絲難續命雲

輶頓返蓬瀛

卒於五月五日

又

望薩爾澹迤邐而來靈氣鬱盤惟公獨得山川秀

如班定遠扶搖直上將才卓犖有子能銘竹帛勳

輶海城鮑君臣五

為靈九督軍胞兄

優游晚歲杖履年華方期坊表德尊壽域靈光海屋添籌綿鶴算

縹渺香雲觀音堂院最念臨溟路遠

卒於吉垣

素車丹旒芒鞋覓地獲牛眠

又代

難弟乃有難兄當晚歲相依花萼樓輝追盛事

大德應獲大壽詎古稀尙斬梓鄉路遠悵歸魂

輶遼陽縣監督田紫駿先生

傳 廬 聯 詩  
噫嘻悲哉天何奪我公若是速耶雷電遞邊庭駭浪驚濤太白騎鯨傷遽逝  
嗚呼賢矣僉稱曰好官所僅見也吾鄉說遺愛人民城郭令威化鶴盼歸來  
近年屢賦亡友詩公素康彊胡木壞山頽中壽未臻花甲  
他日好續循吏傳我來憑弔覺風流雲散餘音空悵人琴

又代劉海泉

入境聽輿謳幸同踏蒼翠山光老觀香巖此景宛如昨日  
前途欽遠到詎竟斬松喬壽算遼雲瀋水愴懷奚以爲情

又代孫督軍

客自襄平來僉誇縣有好官不孤民望  
君斬周甲壽太息病纔兩日遽赴仙遊

輓同里徐區官慶多

海宇獲依歸

海君景僑官臨江  
招之往委爲區官

區區莫小一官鋤暴詰奸保障閭閻擔責任



江城翦寇盜卓卓竟完大節

以勲匪  
頃命

捐軀殉國昭忠祠宇薦馨香

李彥春參謀續弦賀聯

柳邊好奏封侯績

服務於滿洲  
里司令部

竹篋新藏博議書

張序侯以無子置筵室集葩經賀之

樂酒今夕酌以大斗

其人如玉嘒彼小星

輓劉二堡徐之忠母翟太夫人

淑範垂卅年為婦為母兩無虧最欽哀狀詞酸持家成績

古稀斬三載

六十  
七歲

有子有孫方孝養太息端陽節近

五月初  
二日卒

續命靡絲

代孫督輓鮑臣五

與哲弟賦同袍家世臨溟卓犖聲名威鎮雞林建旗鼓



維我公留雅範年逾周甲清和時節籌拋鶴算返蓬瀛

王劍秋團長為其子致澤完婚賀聯

槐蔭門庭烏衣子弟

荷花天氣赤線姻緣

吉期為六月初十日

輓蕭玉泉尊人潔辰先生

獨行媿朱珪半生禪榻孤棲盤陀高風去人不遠

先生四旬後喪偶即不娶壽七十有七

五枝簇丹桂此日靈椿美蔭燕山故事當代所推

玉泉昆季五人均以賢俊稱

輓董聘儒

華珍五月二十一日病歿省寓

在京

肄業法律學堂

在奉

任法官充清鄉專辦

在吉

充鎮邊軍統領

在江

在英旅總理文案以知事候補

磊磊有英名方欽

池上鳳毛

君為達川太史哲嗣以優廩生起家

前路共覘翔舉

同鄉

君家距余所居十餘里

同庚

君年亦五十一歲較余稍長以兄事之

同案

均於延松岩學使己丑歲試漢軍榜取進

同譜殷殷

說交誼忍聽天邊鶴唳餘音未免悲涼

君無子女以弟之子女為一子女臍孀妻一人產業蕭索

輓張母李老太君 軍署張君鵬揚鵬羽之母以五月初四日生五月十二日卒

後先共有兩男最憐龍塞服官視含抱恨

生歿俱於五月太息鸞驂返駕續命無絲

輓鮑秀峯 以精於卜筮著名卒年六十九歲

是君平簷尹一流居恆負有盛名座客滿時了了詞鋒各得信心而去

當滄海桑田之際前路正多疑問先生逝矣茫茫理窟憑誰抵掌高談

輓陳蓉曙先生 陳季侃之父由編修起家官四川川東兵備道年七十五卒

高操如陶靖節 辛亥在海上任招商局事國變遂辭不出 經學似鄭康成 泛濫羣書探源漢學 落落風規庶幾古

哲

交情與陳季方 生四子余與季侃最契 躬奠愧徐孺子迢迢道路未拜先生

海樓鄉望暨那太夫人七旬雙慶

望重粉榆花聯棠棣

香清蘭桂壽羨椿萱

關母邵太夫人八旬榮慶

烹葵佳時畫荻風範

棣萼競爽萱草延釐

輓孫鼎臣

論交經十餘年憂患相依亦狷亦狂迺真知我  
此後有如許事商量求是不沾不脫輒念斯人

又代孫督軍

汪汪萬頃波世莫測量先生如窺深器  
悵悵數言誅天不憚遺一老頓萎哲人

又代李子箴

儼乎若思茫乎若迷天道誰知胡淵天而躡壽

澄之不清擾之不濁人羣特出愴木壞兮山頽

又代

社會需人又弱一个

清濁莫測試溯平生

又代于振甫

冰雪淨聰明超象外得環中自是鄴侯仙在骨  
風雲任搶攘離人間到天上竟從長吉召修文

又代丁屆辰

元箸超超洞遠燭微眼光獨到  
前途莽莽拯焚救溺心力何人

又代龍江祕書廳邵蔭棠劉秉彝胡興岐李春園

叔度深廣汪洋爲我輩師資範

羊綏清淳簡貴是國家可惜人

又代米瑞風

吾黨數槃材援手鄉邦公在是何等力量  
靈光頽魯殿回頭風範孤懷真獨具性情

輓侯政修祖父明五老先生

年九十二

吳古木寄跡苕溪此老最康彊試看埒彼壽齡同臻大耄  
陳太邱聚賢德里長文雖幼小甚佩繩其祖武克闡潛光

又代王敬生

治家可法律身獨嚴曾湘鄉有祖風人覩星岡遺範  
媲美畫圖錫齡大耄陳五雲之高算年同海屋先生

輓于沛章

征權著能聲有裨於國靡擾於民小試經綸詎展畢生偉抱

淒涼當末日跪拜無兒哭哀無女頓歸浩落尤增我輩悲涼

又代贊帥

伴我抵龍沙悵回思關塞秋風一年容易  
乃兄失雁序料詠到池塘春草五字淒涼

又代李子箴

抱出類拔萃才欣接光風最羨誠懸工作楷  
當離羣索居日驚傳噩電那堪長吉赴修文

又代張綿甫

抱權奇磊落之姿驥足騰驤莫酬壯志  
胡憂傷病沮以歿龍沙浩渺憑弔歸魂

輓黃母劉太夫人

其子暄遠贊  
中皆素識

六十年育子恩勤贏得蘭桂崢嶸有造於家秩秩允瞻德範

七五載流芳閨壺讀到蓼莪章句無母何恃哀哀奚以爲懷

輓徐耀庭先生

徐紹綱之父

是陸放翁已老流年燈影雨聲把卷停吟秋宵臥病  
當卜奎城就養時代龍沙雁磧離塵遐舉仙夢還鄉

又代李子箴

公門中大好修行屈指畢生排難解紛薰其德相觀而善  
古稀後尤多歲月愴懷老輩振浮式靡微斯人吾誰與歸

輓于沛章

代胡鳳岐邵蔭棠李春園劉秉彝

早歲播英聲臨池作楷草檄從戎書劍客諸侯傲骨磷磷目無餘子  
昨秋親雅範雁磧吟詩龍江橐筆風塵悲末路精靈浩浩魂返仙鄉

又代管子餘

雁序獲交遊款洽多年結契憶京華最欣縞紵聯歡金蘭訂譜



龍江佐征權別纔幾日棲身在海嶠竟悵令威化鶴太白騎鯨

輓雷朝彥 代孫督軍

身走萬里心戀九重忠孝傳家完全大節

兵治關東軍提江北勳名震世卓犖將才

輓張彝堂先生

以濂洛關閩為依歸最欽東魯道傳廣陶後學

方壽考康寧之是祝詎意西河痛定頓萎哲人 哲嗣殿鑿字冠蓬先卒

輓宮朗川先生 黑山宮殿邦之父卒年七旬有五

五福壽為先齒髮遐齡溯會紀耆英詩詠肅之欽健在 元豐洛陽耆英會馮行已肅之年七十五詩曰書稱五福

壽為先云云

一年秋欲老光陰逝水悵華榮晚菊天留靖節隔重陽 九月初四日發引

輓安母潘太恭人 瀛澄之母卒年七旬有一

維母樹閨壺儀型持躬淑慎治家儉勤回首生平貞靜幽閒壽踰古稀垂懿範  
有子司國軍財政出入謹嚴會計允當乃心精白樸實諳練稟承慈訓作官箴

又代李子箴

禋躬淑慎秉德寒淵維老母煒煒彤輝湖影溪光七秩能留閨壺範  
箴守官方道持家政看哲嗣森森玉樹春暉寸草九泉應慰荻丸心

輓張公召一

八十有六張旅  
長相宸之父

賀鑑湖乞老流年維公福壽全歸杖履遙遙仙遊鶴背  
張博望封侯氣概有子韜鈴夙蘊勳名嘖嘖望重雞林

輓宋福忱先生

墨林之伯  
父六句

聲望重台安方欽福渥壬林看玉簇蘭森蔚成羣彥  
光陰如客過太息歲周甲算竟山頽木壞頓萎哲人

輓趙子守母李太孺人

相夫教子淑身持家當年日駐遼城欽遲母範  
白露蒼葭涼颯晚菊此際風蕭易水悵想徽音

祝曾子威敬母夫人七旬晉七

教孝流慈賜額東海

育賢蘊德嗣響南豐

輓譚曉雯科員名維藩

黑龍江上橐筆頻年方期勁翮高騫鸚荐凌霄奮迹直追鵬鳥影  
白帝城邊望鄉何處太息仙輶遲在牛眠借地歸魂空悵狝猿聲

輓徐紹綱名守常

聞君哀毀以終每思苦塊痛深王濬冲世稱死孝  
末路淒涼若此賴有麥舟誼重范堯夫獨具高情

輓李東閣長春祖母奚太孺人七十有五

東海屋籌添壽逾古稀曹大家煒煒彤輝敬慎儀型留世範  
西山雲日薄恩憐孤苦李令伯綿綿孝思撐宏門祚仗孫枝

盛京時報館落成誌賀

牖世牖民議論精到  
美輪美奐氣象莊嚴  
乃寢乃興爰笑爰語  
有倫有脊無黨無偏

李化民暨韓太夫人七秩雙壽祝聯

太原宗風高陽世閱  
古稀益算偕老賡年

又代

天保定爾君子偕老

以介眉壽稱彼兕觥

輓陳勳廷 名亮功

憶識荊於辛亥殘年

時宰復州於襄平制軍座上遇之

方欽翮奮前程英騰雲路

留甘棠在柳復兩邑

君宰復縣柳河兩邑有治聲

那料算剛中壽棖觸人琴

輓張紀戊

在蘭西任內病歿

別憶三月逝悵千秋劇難忘痛飲公園拇戰酒酣聲滿座

匏繫一官算逾五秩最可悵收帆宦海豪情颯爽世何人

輓蔣母戴太君

蔣礪堂之母六旬有四

維母持家勤儉秉性淑均胡花甲甫逾瑤池遽返

有子保障人權精研法學看英聲卓著梓里交稱

礪堂充省城律師

江母王太夫人六秩祝言 代

福衍林壬算周花甲

遊踪蓬島德蔭萱堂

靜遠齋主人自擬七言聯語

海涵春育汪洋度

魚躍鳶飛活潑天

輓趙梓亭先生

墾殖事業

由伊通以墾  
荒遷西安

俠義精神

生平急  
於公益

共欽育德匡時講貫全國經濟

玉雙  
總裁為

公仲  
子

算踰古稀

七十  
有四

型崇老輩詎料登高作罷淒涼明日重陽

歿於九  
月八日

賀杜爾伯特旗相廷親王銜完婚

嘉耦瑟琴仙樂鐘鼓

姻緣鸚鵡福祿鴛鴦

輓泰來稅捐局長王用之

名士杰充泰來稅捐局  
長由塔城歸遇匪禍

有崢嶸氣抱明敏才方期健翮高騫雲路扶搖能直上  
遇禍患時具果敢力那料災星橫過塢城歸去竟傾危

輓富雪樵

君精於數學任遼城女師範教務十年

郭景純數邃暨陽落落寰中天下士孰堪推測

馬季長風高絳帳英英座上女弟子咸荷甄陶

輓蔣藝軒母孫太淑人

年六十有四

憂患勵堅貞惟節母丸熊畫荻門戶支撐彤管仰慈萱能向閨門留榜樣  
忘家真爲國看哲嗣雲漿風輪道途迢遞春暉承寸草方從海嶠賦歸來

輓谷藹堂元配周夫人

年五十一歲疾終京廨

宦海泊誰依遠塞藁砧道路迢遙憶蘭署

故山歸未得春明旅櫬煙雲縹渺望榆關

輓管鳴甫

子餘之兄保定銀行行長



縞紵有奇緣邂逅京華曾與季方稱莫逆

金融持勝算經營津保那堪長吉赴修文

輓廖雲軒先生

廖錢如堂叔貴州獨山人七旬有九浮厝於鐵嶺龍首山

來鐵嶺住銀岡流寓芳踪看挂杖龍山往蹟直追郝雪海

葺園亭植竹樹逍遙閒况悵束芻雞絮高年恰弔靖南湖

輓宋景齋

維賢

化石橋風景依然別無幾時下榻款賓憶我飛鳧到處

今夏赴部寓化石橋奉軍司令部君為副官長招待極殷

保虛寺雲輶暫駐

原籍山左尚待歸櫬

歸向故里駛輪輿櫬何年乘鶴重來

輓忠墨岑

林

一百歲過客光陰胡為絃柱華年

四十八歲

天猶此斬

六七載識君梗概回憶茗樽雅敘我獨何堪

民國四年於恆豐公司識君

輓馬佳母愛辛覺羅太恭人

七旬有八馬笠樵之母

夫家閥高地望母家派衍天潢享壽踰七十年餘畫荻丸熊共仰慈萱標淑範  
仲子作吏江南叔子供差綏遠奔喪在數千里外酸風苦雪那堪寸草泣春暉

輓張夔皆處長

炳炎國務院存記京師  
警察廳警正四十一歲

警界數檠材鳳毛麟角俯仰無儔氣靜思深誰人比此風範

自民部創辦警政君即  
出而任事資格最深成

績優  
異

吾鄉弱一个瀋水遼雲莽蒼靡極憑高望遠余懷不覺愴然

又代

君本用世才廿年民政勳績獨優每欽翮舉翼張扶搖前路  
我興懷舊感曩日交情關注綦切那料山頽木壞頓萎哲人

又代

是警政專門人亦有言材邁羣倫前路弗可限量  
爲吾鄉健者天胡不弔算逾卅載一生未竟所施

輓潘通化茂蓀 德基

我公眞循良雖艱面晤心儀久矣居恆每語人曰通化常存茂蓀不死  
命途何偃蹇倏忽病殂神鬱致耶到此輒呼天道顏淵短壽盜跖長生

輓李蕃林 軍署副官名蔚  
濃年三十三

京奉共追陪昕宵接晤蓋亦有緣每回憶匝月遨遊殷殷相待  
韜鈴資講貫良好前途奈何稅駕祇落得一般輿論嘖嘖稱賢

宋壽山娶兒婦賀聯 臘月十  
九日

廣平家聲子京風度

臘梅良月詠絮清才

輓齊迪生侍御 五句  
有八

射策上金門羨蕊榜名高柏臺簡冷  
量才操玉尺憶西湖月滿東浙潮來

又代贊帥

以敢言作天下正氣

有令子爲吾邑神君

時朗軒  
宰黑山

維公不愧諫垣北闕上書曾痛陳東省積弊  
在我獲瞻風範都門小聚猶回憶道誼深談

輓唐君礪若

龍江鹽倉倉長  
君兄弟八人

聯璧數鵠原世方欽八凱八元奈何雁陣驚寒忽然中斷  
歸旛傷鶴觀路重過某山某水回憶龍沙宦迹奚以爲情

又代

痛抱西河惆悵椿庭短命應傷李賀

宦游東國蕭條鹽筴長才誰似夷吾

辛酉

傳 廣 聯 誼  
輓高芷玉尊人

隔兩宵便屆古稀聽殘臘鼓鼙仙馭逍遙歸極樂  
有喆嗣能爲世用望到江流淼淼警廳嚴肅慎邊防

輓姜相武

素履洽鄉評溯學宮供職議會得人每難忘促膝深談慤懇遠謀周當地  
寸心留憾事際花甲甫逾萱闈健在最可痛承歡未了淒涼老淚灑高堂

輓榮誼雲孝廉方正

社字胞兄

樽酒細論文款洽都門曾與季方成莫逆  
琴徽空悵影淒涼塵榻那堪子敬竟長亡

輓榮其莊祖母李太宜人

鶴算七旬餘日薄西山孫枝隕淚  
蟾輝八月杪雲淒東海寶婺沈星

輓榮其翼母孫孺人

荻畫樹芳型彤管揚輝德稱東國  
黃花標晚節麻衣雪涕慘對西風

輓陳介卿尊人德三先生

享壽逾古稀羨俊逸清才有子參軍韜鈴夙裕  
張燈過令節悵凋零老輩臨溟捐館模範云遙

賀陳仙閣承啓續絃

時在江  
省集句

萬古乾坤此江水

一番桃李又春風

賀于殿士娶婦集句

鸞翔鳳翥衆仙下

燕語鶯囀春日長

輓胡松喬監督母郭太夫人

有子為吾邑神君琴堂雅化花縣流風餘事作詩人筆仗墨濃峯矗千山搜畫稿  
維母樹閨門懿行荻字課勤板輿就養汾陽承世澤萱闈春永算逾八秩仰坤儀

輓趙蘊峯先生

重三之父

高壽踰古稀鶴算長添耕讀傳家綿世澤

新阡卜吉壤牛眠創獲松楸在望鬱佳城

輓帥母丁太君

帥德緒之養祖母

高算添屋籌日薄西山孫枝續祚

殘年催臘鼓雲淒東海寶婺沈星

輓趙識塵

乃普六十六

宦績著秦疆每側聞政事圭稜早歲曾夙深佩仰

居游同議席悵回憶風裁言論孤懷真獨有性情



輓金劍屏

維楸五  
十二歲

使節獲追隨游歷徧英法義比諸邦曾憶飽經輪舶  
風規思疇昔學問擅言語政治兩事那堪悵想人琴

輓吉惠卿

代

高算早踰古稀日薄西山孫枝續祚  
良辰恰先上巳雲淒東國魯殿巍頽

又

鄉望副陪京憶往事韜鈴講貫糧餉監司爲守兼優共說登龍有願  
古稀逾上壽緬此日門葉繼興孫枝挺秀逍遙長逝何年化鶴歸來

輓劉母鄭太君

代慶澤趙毅

共學憶清河羨哲嗣颯爽英姿畫荻丸熊承壺訓  
遊仙去湯寶悵慈母端莊淑範烏曉花落有餘哀

輓趙識塵繼配韓淑人 四十二于歸 五十五殉夫

克孝克慈可坊可表

亦節亦烈獨往獨來

錦州觀音普陀廟重修聯語 代王總長

往役憶清鄉記曾心總慈悲瞻肅琳宮願化萑苻成淨土

錦城遺舊洞最喜功新輪奐莊嚴佛地好憑翰墨證前塵

輓董成格母李太孺人

莢序迅如流方共欽算逾古稀 七旬有七 慈萱樹背

榴花開似火 以五月二日發引 最可悵暉留春蔭寸草淒心

輓孫禹箴母馮太君 旌表節孝入民國後禹箴講求地方自治未嘗出仕

豈真不仕鳴高有母荷旌揚顧亭林恪遵慈訓

每憾登堂缺禮嗣徽著模範曹大家共仰坤儀

輓鼎三胞兄

年景甫逾半世同懷更有何人痛癢孰關情前路茫茫增我鵠原無限感  
抱恙剛及十朝享算未臻六秩淒涼成永訣夜臺寂寂每聆雁唳觸餘哀

輓張允符父柏馨甫

有子能賢我公不朽

閱人成世厚德孰儔

輓蘇紫垣叔岳

高算七旬餘紹伯氏前徽

岳丈西園先生主持家政承先啓後厥功甚偉

勤儉家風咸佩仲公毅力

涼輝八月裏

以中秋節第二日發引

悵中秋素節淒清入望竟顏魯殿靈光

輓耿潤齋中將

往事憶龍江最難忘樽酒邀歡滿座繞花飛逸興  
奇勳談虎帳尤可佩韜鈴默運呼旗歸版竟全功

備廬聯語  
輓田完齋前輩

辛苦老孝廉方共佩團防學校倡辦勤勞後起孰追踪那堪木壞山頽忽凋鄉望  
趨踰舊宮苑尤可欽彝器圖書尊藏敬謹先皇如下問即此冰兢淵惕足表臣心

輓孫乙東

蒼狗白衣世態浮雲應靚澈  
絮雞芻束愴懷舊日感彌增

本村山藥堡重新廟貌撰送聯語

生長託釣游憶村會分勞桑柘影斜景物猶縈春社  
聲靈資保佑願經營繼美楹廊煥彩規模常峙莊嚴

祝趙乃棠孝廉六句

詩翰怡情

晚年嗜詩字

兒孫繞膝

子七人

林壬輯瑞花甲周春

祝魁星階廳長

氣亞松筠無俗韻

味甘蔬筍自長生

君生平不茹葷

賀哈埠中行落成

玉宇崇高輝哈埠

金融流暢湧濱江

賀李秀庭先生七旬晉壽辰

令伯陳情蜀中人鳳

其孫香齋理事長為之徵文

老聃壽世天際神龍

送高鳴岐鎮守使聯語

君生平不納妾以此意索為聯語贈之

修身齊家力戒浮靡

養心寡欲作我楷模

賀李品楨娶兒婦

嘉耦瑟琴和聲鐘鼓

姻緣鸚鵡福祿鴛鴦

輓成圃珊母海太夫人

淑行仰名村於文運發皇武功赫濯之區堡壘河洪爭頌大家風範

河洪堡為吾遼名村吳星鶴進

士張彝堂孝廉宋个臣午堂張冠蓬茂才宋星五協修均生長於斯旗員尤盛

訃音來遠地望香花繚繞珠利淒清所在瀋遼天黯遙瞻仙馭雲輶

輓周玉山制軍

儻疆吏盡如公民到於今猶受賜

胡昊天不弔遠聞哀耗若為情

輓錫紹彭元配擺禪夫人

七句有一

淑行景陪都高算七旬咸欽郝範

訃音聞哈埠生芻一束畧效徐君

輓王雨帆

五十五

毀譽久無憑矣迺月旦評來獨蒙謬賞

頤養猶未至耶胡天年算絀遙阻古稀

輓李鑑清母郭太宜人

哲嗣共仰清標世莫與儔特出才華藉京國

賢母應臻上壽天胡此靳古稀歲月隔明年

輓談渭岐國濱

四十六歲

其氣靜其心厚其貌清臞談氏本多才似此醇修尤竦異

與論文與說詩與研政事往年欣把晤陡聞仙逝倍酸辛

輓趙孟南母陳太夫人

懿範著平生憶薇垣伴課花縣佐勤播得彤管賢聲六秩算逾籌祝屋



傳廬聯語  
中秋纔兩日胡桂魄香盈蓮輿仙逝痛煞麻衣孝子萬泉居傍淚成河

輓于濟川父潤身先生

五十六

以退爲進以讓爲爭以不辯止謗以息事寧人我景高型擬增人譜  
有家能富有子能賢有事蹟可傳有德行足法天慳上壽共悼鄉評

輓王仲五父閣臣先生

鶴算七旬餘方欽桂秀蘭芳克昌厥後

蟾輝八月裏詎料山頽木壞竟萎哲人

輓陶念新祖母朱太夫人

日薄西山常懷慈惠

雲悽南海遽返普陀

輓關子貞母夫人

鍾郝嗣遺徽看勤侔畫荻子女稱賢方思堂北風清陰仰萱闈寸草暉餘心莫報

葭葦欣戚好憶恩渥含飴祖孫依命太息山西日薄春悽梅嶺簪花筆底淚如揮次媳

淑琛工書依其祖母  
十餘年朝夕不離

輓程惠廷世恩五  
十有五

公眞以社會起家桑梓仰慈雲善德謙光君數辦新民水災大府壘頌  
桑梓慈雲善德謙光等額大府屢傳嘉

獎

我愧未雞芻致奠兼葭悵秋水澹災卹患異時共憶斯人

輓徐青甫胞兄雅伯先生

風範有誰如緬徐孺德徽塵網紛拏抽道履

雲輶何處駐望丁家山畔厝於丁家山湖光掩映寄詩魂

輓李母胡太安人八旬有二奉天工  
會李玉麟之母

慈壽踰八旬方欽福益萱闈海屋頰添籌算

小春當十月詎意魂歸瑤島雲輶猶傍珠林

備處聯語  
輓魯錫三尊人子恭先生

妙術擅歧黃家學淵源滿目瘡痍時假手

佳兒拾青紫前途遠大愴懷高厚極酸心

賀馬肅綱之世兄龍驤授室

七月二十日

錦簇花團香融春幄

畫屏銀燭暑淨秋宵

輓姜迺斌母馮太君

七句有四

上壽七旬餘共欽寸草酬恩有子咸能愛日

涼輝八月裏太息生芻莫奠憑虛遙悵慈雲

輓潘丹廷

航空處長

母夫人

有子乃真將軍績著航空飛行絕迹

維母享全福壽德堪作範遠嗣徽音

輓梁友蘭母夫人

淑行著臨溟方欽永佐藁砧共瞻荆範  
清才拋愛女詎料剛吟柳絮竟悼萱闈  
鼎兄之喪所擬各聯

大賓公堂聯

藉重鴻題敢勞大筆  
謹遵家禮敬矢微忱

鼓樂樓聯

哀痛苦衷聞而增劇  
聲音之道通於神明

大門聯

桂櫬歸來悵梓里椿庭頓增寥落

仙輶何處望遼雲瀋水無限低徊

輓趙爲母賈太夫人

五句  
有九

坤範樹慈萱誰知召速瑤臺算拋花甲

春暉悲寸草太息痛深苦塊淚湧沙河

家於省南  
沙河沿

紹式穀之哲嗣續絃賀聯

七月  
七日

鷓鴣柱續膠鳳鸞佳耦

鵲橋填渡牛女今宵

輓奉天軍需課長關潤齋

書綸

當度支任具綜核才六載軍需成績著

正健康時得危遽病一朝仙逝俗緣拋

輓傅陟岩尊人峻峯先生

精醫術好施  
子六句有九

好施者後必昌看靈椿一樹丹桂五枝教子義方豔媿燕山佳話

能活人壽自永胡水飲上池籌停海屋古稀明歲空留瀋水遺型

輓劉子心老伯

階辰  
尊人

腐心癸甲年糾纏訟累慕遘難關胥憑大力提攜每指迷津俾離苦海  
回首辛酉歲邂逅省垣重瞻尊範那料訃音悽遞竟頽梁木遽返道山

輓胡海亭

會三  
之父

維公以貨殖起家隻手造基名稱遼郡  
有子感鞠勞至德奔喪就道淚灑灤河

賀王清中爲子成室

紅杏在林

可人如玉

輓任振廷尊人琴軒先生

手寫申韓諸葛公巍然儒者

備廬聯語  
心縈芻絮徐孺子畧寄哀忱

輓前奉天實業司長馮惺園太史

頭角早崢嶸憶詞垣供職實業專司每難忘躁釋矜平靜默純修資藥石  
心思殊未了悵中壽甫逾雙親健在最可痛情酸味苦淒涼老淚灑桑榆

輓周祥廷

符麟

母白太夫人

有子爲遼左英豪萬里從戎勳名不朽  
維母作閨中慈範九旬享算福壽全歸

壬戌

輓王恩溥母夫人

連埠寄行蹤恰當避地消閒猶獲於逆旅待船復瞻慈範  
津門返舊宅正祝福躬安泰那料到雲輶旋駕竟渺徽音

輓寶於山母烏扎拉太宜人



享算踰七旬有餘計日駛雲駟我方歸自連灣母正駕旋瑤島  
生子爲一時之傑儔人露風采事幸獄完公治恨乃泣抱皋魚

輓史職襄元配魯夫人

闔範著陪京憶宜家淑慎育子恩勤方期福算綿延數周甲年華籌添海屋  
時光屆流火際疏雨梧桐微雲河漢最悵藁砧悽斷營者番齋奠仙渺瑤池

輓李崧生元配張氏

淑慎著芳型方共欽蘭範端凝玉節金和德行爭誇彤管盛  
淒清逢素節最可悵藁砧孤寂風清月白幽懷如此良夜何

輓馬綸閣母王太夫人

代

拜母屢登堂憶德徽倍念先慈好話家常地下若逢應笑語  
嗟余悲陟屺與哲嗣同遭厄運相憐苦命天涯遙隔共愴神

又代

農部喜同官猶不忘京國遨遊風采曾瞻鳳子

都門駐慈範最可悵奉垣留滯雲輶未到雞林

又代

微雲河漢疏雨梧桐恰添一味新涼正怡慈範

返旆都門養痾瀦水最悵七旬上壽遽赴瑤池

又代

高算踰七旬憶鸞範凝麻鳳雛嗣美

涼輝近八月悵銀蟾瀉影寶婺沈星

又代

與令子浙熱同官聲應氣求風範久欽瞻壽母

悵此際奉吉阻路山高水遠雲輶何日返仙鄉

又代

命脈理金融賴哲嗣濟溺起衰手挽狂瀾神遊九塞  
徽音煥彤管維慈母相夫教子德歸新息系重瑯琊

輓汪紹庭

實業擅專門半僧半俗亦官亦商悟真子兩言可稱定論  
樂餘營別墅有水有山無思無慮邯鄲夢一覺直是游仙

輓宋母

育德門高廣平望重  
懷情臺峻綽楔光寒

輓楊母王夫人

代

萱草萎華壽斬花甲  
棣萼競爽子皆棟材

輓姚畏塵

款洽結芳鄰憶鐵營賃屋黃化駐京方共欽三月清談歡聯葭誼  
艱難慨時局悵志負請纓心甘學道最可痛一腔熱血駕稅榆關

輓早川千吉郎社長

縞紵結奇歡當循途過旅遊連高誼敞華筵最難忘百樽羅酒四座繞花星浦  
潮來邂逅清談猶在耳

敦槃標偉望憶樞握金融政明軌道行蹤到瀋水劇可悵閨厄黃楊節逢丹桂雲輶  
駕駛淒涼瀛海賦招魂

輓高鳴岐鎮守使元配徐夫人

慷慨送從軍耐貧苦勗侯封喜觀藁砧幸達到樹有勳名心旌始定  
幽閒留淑範勵儉勤躬慈孝輝揚彤管真值得侍無姬妾眉案相莊

輓蘇冠卿尊人子敬先生

以儉勤勵己以耕讀教家鶴算逾古稀望重桑榆遺範可增人譜

任文學專門任師校講席象賢有哲嗣栽成桃李淵源共溯先型

輓陳仲三 桂元

威望播吉峒佐剛靖公創辦團防自是干城之選  
洽談接賓席在興隆溝再瞻丰采胡為梁木忽頽

輓王子卿旅長 良臣

功績勒旂常想絕塞風沙戰畧比龍驤威望  
棲遲託梓里看遼陽城郭何年再鶴化歸來

輓曹潤田尊人豫材先生

上清界覩真仙

特類上清  
仙籍輓詞

福善綿聯道德可增人譜

高辛氏有才子聲名卓犖淵源共溯先型

輓張貞午先生

曩日獲升堂憶自治局開感荷知己斜街讌設話到忘形此行本擬趨承胡為風雨

深談遽成往事

乘雲忽遺俗賸諫章傳誦政見燭先詩卷長留文章不朽斯世誰堪比擬最悵鳳麟  
規範未竟所施

輓何慎五知事

桂榜豔文名憶入幕陶齋金石搜羅孰攷證  
棠陰話遺愛悵歸旛桓邑閭闔歌泣寄謳思

又代

以名孝廉作真宰官每聞嘖嘖賢聲萬戶甘棠頌遺澤  
當半百年稅長途猶憶循循善誘滿門桃李哭春風

輓錢佐周處長

享林壬福逼花甲期壽考六旬天胡此斬  
具綜核才標清白望軍需數載人無閒言

輓寶邇安賢

得算四旬餘憶恩綸庇廕警校專修方期直奮鵬程振蹕東陲騰健翮  
相違一月外盼久病回春勿藥有喜那料偶來熊岳淒涼南滿黯歸魂

輓梁子章母錢太夫人

有子能文有女能詩秩秩懿徽世尊壺範  
其德實惠其躬實淑煌煌宗諡人無間言

輓張君賡琴

代

訂芝蘭契託葭莩親每思聯步趨公此景猶如昨日  
益萱堂憂留梓里望太息半途稅駕愴懷何以爲情

賀李君宏章結婚

燕壽堂開雲蒸霞蔚

鳩居巢暖花好月圓



鄂母馬太夫人九秩晉三

孟母慈徽教成喆嗣

武公睿聖壽見坤儀

某君游學歸國於九月行結婚禮母氏在堂同時爲祝壽之舉代某公擬賀聯

學海歸依萱樹蔭

華筵歡合菊花樽

大東公寓開張

看大厦成有遠朋至

作東道主開北海樽

壽曹仲帥

人亦有言天保定爾

德音是茂壽考不忘

又代

梅萼舒春棠華輯瑞

壬林集福花甲添籌

王子春上將家祠落成誌慶

寢成孔安有馮有翼

孝孫徂位無怠無荒

壽鮑廷帥

排難解紛仁言利溥

怡神悅性壽宇春和

壽張紹帥

德動天人原本忠孝

慶延孫子壽祝期頤

偶至津埠某君置酒金第座有羣花戲拈聯語以寄閒情

金第

迷金春暖南朝粉  
及第人探北里花  
金珠氣韻融瑤草  
第閱聲名遜鼎梅  
金兼價值新調鼎  
第一昭陽舊著名

映華

掩映風欵嫩楊柳  
穠華雨潤小桃花

媛媛

女號嬋娟加一等

爰從名字問雙文

紅寶

紅綃豔映窗籠月

寶鼎香薰屋暖雲

紅雲瑞簇芙蓉豔

寶玉明嵌翡翠鮮

紅蕊瓊華香簇錦

寶光隱影氣嘘雲

豔福

笑我豔情今夕詠

問卿福慧幾生修

英樓

英雄倜儻拋衫履  
樓影迷離隱珮環

癸亥

賀震泰報局

震奇蹟以發癡聾盼人濬靈明心開覺境  
泰階平而卿雲現看天回甲子瞬挽狂瀾

賀魯錫三爲子授室

襲室椒芬詩獻瑞

合歡樽酒帖宜春

張敘五都統母八旬晉七壽聯

故大德必得其壽

惟賢母乃生奇男

將才慈育干城選

祝語爭看耄耋圖

母氏聖善天錫難老

式燕且喜聊樂我云

莫柳忱母趙太夫人七秩晉六

萬里成遙婦代子職

八旬算近天錫慈齡

傅母沈太夫人七秩

淑慎其身母氏聖善

式燕且喜壽考不忘

靳母邱太夫人八旬

節屆三春蟠桃頌壽

年登八秩味蔗回甘

賀章文彬授室

彈指光陰洛陽三月

同心伉儷嘉耦百年

輓尹錫之元配宋孺人

生長名閥

父宋子元孝廉

作配德門

錫之為尹曉泉進士之次子

若論壺範昭垂應可追鍾郝儀型柳

歐風範

荏苒年華淒涼臘鼓試誦詞壇筆墨怎能堪夢得傷往潘岳悼亡

輓日人米良貞雄

樽酒聚陪都話塞北風雲當日持螯共醉

歸旛出滿鐵悵遼東城郭何時化鶴重來



輓溫鶴孫尊人鏡吾先生

卓犖一生最可欽  
粵海文星輝煌棠邑  
歸來萬里尤足念  
濱江遊子問視椿庭

輓玉澤霖秘書

弱冠占科名偕遊瀛嶠  
觀政京朝方期一路鵬  
騫興會前途同桂榜  
往年識風采判袂奎垣  
追蹤哈埠那料四旬鶴  
化淒涼老淚灑萱堂

輓趙秋生

雲桐

宦海話生涯嘖嘖賢聲  
政績無慚乃父

家山隔道里遙遙秦地  
岳溝獲傍先塋

秦省有  
塋地

輓魯棣琴母許太孺人

有哲嗣商界鉅子庠序  
名流誼結苔岑置向儔  
人誇傑出  
惟賢母早歲辛勤高年  
康健壽臻耄耋超從仙  
界賦歸真

輓王母張太君

養子比麒麟階生桂樹

生天駕鸞鶴座擁蓮花

輓李裕豐

擴詩書稼穡門庭持家以儉課子以嚴刻苦堅貞允推世範

發梁木泰山感想宗族稱孝鄉黨稱弟歆歔慨嘆共溯遺型

輓任鑑珊祖父慧忱翁

有益社會有功家庭懺悔具佛心尤足徵勇挾風雷食恢日月

追溯平生追編世系敷陳光祖德最可念文孫筆墨哀述精神

輓及門王造周團長母邢太君

有子作忠魂沙場歸骨咸詫奇男方共說酣戰榆關目無勍敵

娛情傍晚景安樂餘年羣欽壽母劇可痛返真菊節瞬屆重陽

翁其少年之行痛自刻勵  
鑑珊撰事略  
極悱惻詳瞻

輓何子璋道尹

抱權奇倜儻之才，鳧舄望仙踪。好善至誠，琴舍曾邀宏獎。任遼陽州牧，見余辦團成績，極口稱贊。  
胡服務積勞，以歿鶴籌。新周甲在官，德政輿情不盡謳歌。

輓劉宣三翁

椿算踰古稀，課耕課讀克儉克勤。與物本無爭，共欣和氣春風。涵容萬類，梓鄉懷盛德可泣可歌。爲坊爲表，新年剛樂過。那料銀花火樹，悵阻元宵。

輓謝東甫母黃太夫人

慈惠享遐齡，有大德斯獲大年。溯贊策移家，篳縷初基。胥宇竟同姜女，聲名高議會。惟賢母乃生賢子，痛奔喪就道。視含弗及，愴懷豈祇皋魚。

輓馬銘侯 樂溥

蔡中郎以八分名，卓絕隸書勁氣鬱盤留古趣。君善隸書，得者寶之。

竇燕山有五桂，號賢哉哲嗣羣才英。颯重吾鄉。

輓新立屯王君濟賢

我家藥堡

余家於遼北山藥堡

公宅柳邊

新立屯在柳條邊

望望指黑山猶不忘締造鴻基蔚成巨室

弟識荊州子治棠邑綿綿踰花甲劇可悵淒涼魯殿頓渺靈光

輓曲晉宸

日昔共周旋憶筆酣墨飽藝較文場最欣賦草拏雲幾回同試

風規餘偃蹇

晚歲以兵亂蕩產景况蕭然

痛火熱水深兵荒邊堡

家於邊牛永堡經日俄戰壘

每念寒松壓

雪猶挺孤標

輓郭公芳辰

世澤紹汾陽胡算斬古稀翹首龍山騎鯨仙逝

頌聲徧東海看官同司寇傾心驥子駟馬門高

輓巡長苗鳳春

烈蹟說今朝因公竟殞方壯而殂感喟欷歔來大家追悼

人生同是死彼落兇頑此成忠義較量輕重其相去何如

慕地湧波濤動魄驚心遇彼之兇遇斯之厄

當筵羅酒醴追忠悼義爲生者勸爲死者榮

輓言仲遠元配丁夫人

垂詩禮範號慈善家悱惻纏綿絮詠彌光正始

夫人工詩選入  
閩秀正始續集

竭恭已忱斬周甲算歆歆悼歎藁砧奚以爲情

輓王仲僑母高太夫人

高算踰古稀憶奉匝致孝舉案相莊彤管挹芳輝景仰慈萱留美蔭  
徽音育賢嗣佩挾纈臚歡轉縉奏績春暉思大德綿芊寸草獨何心

輓賓圖王太福晉

大樹拱威籌依海屋

王授拱  
威將軍

蟠桃罷會春返瑤池

輓楊師程母寧太宜人

令子現宰官身霞起建標春盎赤城頌棠蔭

師程時任赤城知事

慈母著閨門範花逾周甲仙歸瑤島悵萱堂

輓吳君清華 光國

魏石獲殘碑憶輯嶺洞開鑿壁搜厓我省頓光文化

任輯安時得有斷碣送歸省

壽籌靳周甲悵農林獨創殫精竭力半途竟阻全功

輓錢總理母張太夫人

有大德始享大年慈算踰八旬日宣佛號

惟賢母乃生賢子神謨周九塞名滿寰區

輓欒佩實繼配張夫人

四十九歲

百年彈指光陰天猶靳半

卅載齊眉夫婦君獨何堪

輓及門鄭宏毅母包太夫人

哲嗣具征權才春暖農安潘岳板輿能奉養

故鄉生風木感喪歸鐵嶺皋魚血淚痛含悲

輓熊岳咸運卿

襲簪纓世胄媿冰玉襟懷

君為文式  
岩中丞塔

五七載槐陰承家發奮為雄營茲堂構

以書畫娛情享園林清福十萬樹梨雲繞屋翛然自得憶煞斯人

與君素  
曾晤面

又代

棨戟肅門楣看蒙旗世胄將種英聲方共欽卅載幽棲名高粉社

言行可坊表胡仙馭西歸訃音北遞最可悵萬株香冷花黯梨雲

家於熊岳種梨樹數  
萬株為東省第一

輓和趾仁母王太夫人

八十一歲

淑範媿蘭筠丸熊課讀翼燕貽謀高算踰古稀最欽萱草忘憂祥開壽域

生兒皆麟鳳

子成麟成鳳  
均官協領

法校專修協戎晉秩寅恭懷慈訓那料榴花爭豔痛感



珠林

閨中擬聯

娛樂踰情快活為煩憂之券

享受溢量豪奢即窮窘之根

加減乘除即算數可明天道

窮通造化雖氣數亦係人為

無形不亡惟性道大而莫外

有質終滅雖天地豈能常存

不測盈虛消長之幾豈云知道

悟到境遇形骸皆幻始可言天

無論花葉如何成績惟看結果

任使鼓鑼極鬧歸終總有收場

孔老佛耶皆得道之神聖

倫常德禮爲範世之經綸

福莫外求孽由自作

天無可怨人不必尤

地獄天堂確信有此境界

善根惡果孰能脫卻輪迴

善惡有感召之機司其柄者造化

福禍無憑空而至握其樞者鬼神

可惜者陰惟洗髓伐毛當局要綿綿密密

知道者少故拖泥帶水大家多擾擾紛紛

輓吉林實業廳長馬績卿

惟鋤暴乃可安良業蔭溯吾鄉恰當拳匪劫餘法立始知恩治國武侯嚴重典

既光前並資裕後梓桑崇實業最念心源相接規隨有猶子克家夷簡繼賢聲

輓鍾輯五元配鄂謨托覺羅夫人

人物每迎合潮流憶瀛洲求學官署相夫美術邁良工豈徒誇衛楷簪花謝庭詠絮  
鬚眉亦遜茲巾幗看識力珠明性情玉韞名媛難再覩又何怪夢得傷往安仁悼亡

輓李純禎母內姊李孺人

衡宇挹慈雲看椿枝丹植楊蔭綠分最難忘六載移家照拂慇懃棲遲蝸舍  
余攜眷赴龍江

轉哈埠省寓託孺人  
照料駐舍逾六載

濱江驚雷電靚蒲葉青深榴花紅豔又誰道五絲續命音容闐寂駕駛鸞膠

又代

慈輝祥霽久瞻璇壺芳型最欽積厚者光卓爾不羣有子盼能繼述

病榻彌留本是生人苦趣看此無疾而終悠然長往斯行何異登仙  
微病遽逝

輓尹瑞芝元配張孺人

豈妯娌結不解緣曾歲月幾何阿娣返仙班妣亦追陪會晤  
對叔郎有特殊禮憶琴樽雅集當年造潭第嫂每笑語周旋

輓鐵嶺陳海峰 瀛洲

君本具用世才奈宿恙糾纏風雨茂陵相如久病  
君體質素弱政府欲以簡任職任用力辭不就

我竊爲議會惜佩純修皎潔鶴鷄稠衆延祖誰儔  
君久任議席幾於無屈不與持論正大靡不信仰

輓張君度母容太宜人

有子爲金融專家稻田誦習商部趨踰握算具精能最欽壯歲英姿祖國歸來工筦

鑰

維母具佛門根性慧悟禪機皈依淨土掃浮尋妙諦悵憶去年暇日連灣避地未登  
堂

輓龍江鐵路交涉局王愷忱提調

亦樽俎亦敦槃腳色辦外交十餘載服務濱江消融疑沮猜嫌著多成績

傳 廬 聯 詠  
如金湯如圭璧口聲聽輿論一般人追維往蹟贏得款款感喟何等哀榮

輓錦縣李芝境

龍江廣信公司  
總辦原字子敬

兩載共龍沙迴想到行色匆匆潭水桃花汪倫相送  
一坏封馬鬣環繞這錦川歷歷靈牀琴韻子敬俱亡

輓馬慕韓

不藥是中醫刀圭妄奏奇禍橫來況聞纖芥微瘡何關痛癢  
相違纔幾日簪履盤桓此情如昨那料明湖春酒竟隔平生

輓錦縣李翊宸前輩

石柱仰高門一家科第蟬聯胡槐棘秋闈副車再誤  
凌河成巨障十載鎮鄉駿績悵桑榆晚景梁木其頽

輓交涉特派員史曜五

紀常

造物真不可測耶以君心氣和平性情肫懇享用澹泊體格健全周甲尙迢遙若論

種種緣因鴻樹勳名共信前頭堪獨立

君曾特署黑龍江省長未就任

讌游竟至此止矣對我官紳水乳友誼苔岑出處芥鍼翱翔簪履知音本寥落那料  
匆匆歸去鷄鳴風雨更誰促膝作深譚

又代

瀋水挹光風回頭纔越數朝憶當笑語綢繆席地幕天曾屬劉伶戒飲  
濱江聞雷電轉瞬頓成千古意或塵凡唾棄排雲馭日竟同顏子修文

輓于星閣先生

呂叔簡去偽名齋講學擁皋比處處存誠惟見先生追古哲  
竇禹鈞教子以義趨庭叨鯉對英英競爽共欽令嗣振家聲

輓曲子明元配富美英女士

梓鄉何日歸歟義隴停鸞警歎應通玉闕

厝基督教義園

花甲祇及半耳遼天化鶴翱翔頓返瑤臺

輓郭精義聯

八十餘日鴻雪因緣數晨夕共遨遊鄭重相期為我代商出處  
萬千儔人鳳雲品格精權衡尚俠義歎歎憑弔問天胡厄耆齡

又

蒼昊果難知如公壽享期頤叔世模型應推雅範  
苦衷共誰語悵我生逢椒擾橫流滄海何日收帆

又

錦瑟清樽八十日曾為座客  
素車白馬二千里來哭故人

又 代董鑑泉

四十年患難交情骨肉比同胞君胡吾棄  
八九日凶災病厄音容倏隔世我獨何堪



又代張蔭菴

憂患賴扶持每不忘境到萬難君獨相助  
心思本契合最可憫事關公益疇與爲謀

又代大連遊廊事務所公輓

生前媿柱石勳臣功德常存遺愛說連灣華胄何慚郭僕射  
身後作芙蓉城主英靈不爽上清列仙籍管領應同石曼卿

又代鳳玉

墮煙花已數年憶侑酒華筵檀板金樽猶幸承公顧盼  
託滄桑於一霎痛遺塵俗網騎鯨化鶴怎忘見我生憐

又代大連公議會

大廈忽傾萬類併懔悲樾蔭  
長城竟隕一時社會痛山頽

又代華商公議會

是社會有數人才剛亦不吐柔亦不茹公普明通共推模範  
灑中外無窮涕淚孰主宰是孰綱維是歎歎慨嘆竟隕斗山

又代董廷欽

士類仰隆名比龍門接客荊州識面  
大家同一哭悵虎灘咽響星浦消魂

又代邵慎亭

君病我未及視君歿我未及知碌碌津門分手竟慳一面  
身前事常相謀身後事常相憶茫茫前路愴懷孰證同心

又代李子明

時時本公益相謀每思聞過輒規勸善不倦  
切切以病軀爲慮那料我猶健在君竟長辭

又代林魁一尙梅

松栢隕蒼巖梁棟頓傾大木誰爲羣草蔭  
蒹葭依玉樹宇衡相望綠楊曾作兩家春

又代劉龜山

交敦石誼策畫金融每思夙荷併懔義近螟蛉視君子當如我子  
身具仙根道叅佛性若論自然因果德如麟鳳即此生可卜他生

又代邵鼎臣

作東道主開北海樽客過連灣爭求識面  
看南山碑走西岡路人懷遺愛靡不酸心

又代安承生

萬家痛灑無涯淚  
片石應鐫有道碑

又代徐尙周

追隨歷數年深維大匠陶鎔容納不疵門外漢  
訣別成千古方冀長城依賴倏忽竟成天上人

又代西岡公議會

俾儔類含無量悽悲惟公當此哀悼  
於社會有極大關係斯人仍盼重來

又代

念斯人難再逢獨愴然而泣下  
顧社會發長嘆吁謀夫之孔多

又代曲子源克汝

三十年晨夕相依春風化雨倍荷栽培每思境到艱虞輒蒙愛護  
萬千種憂煎莫釋冥路夜臺願從趨侍最痛身難贖替不許追隨

又代唐貴庭立和

咫尺近桑榆十里煙波海嶠同棲資樾蔭  
栽培儼桃李廿年雨露斗山忽隕痛靈光

又代鄒英亭宗舜

聞電迸歸心我方來自滬寧公早駕旋瀛島  
臨風揮熱淚天不憇遺一老人誰贖以百身

又代榮蘭

幘幪人類雨露仰公最難忘擲錦纏頭豪概羣迎寇相  
飄泊連灣風塵誤我尤可痛歌喉滿耳無緣再拜汾陽

又代

座中客滿樽內酒盈北海仰聲名淚灑孤寒好士共思孔文舉  
宏獎風流品評月旦南阡樹碑誌石鐫有道撰言應俟蔡伯喈

又代龐五福堂

廿五年合力經營賸馥殘膏久蒙沾丐  
千百輩斯人特出神芝仙柏共仰英靈

又代張德純

共事幾年同謀公益同奮前途昕夕相追隨糾繆繩愆賴匡不逮  
臥病纔數日忽詫沈疴忽捐生館蒼茫胡可問懷人感舊何以爲情

又

有益社會有功家庭便不虛生可稱賢者  
共仰儀型共揮涕淚長留遺愛何讓古人

又代

社會亟需才胡忽忽人亡又弱一个  
此公可不朽俟悠悠已定彌顯隆名

撰郭有道之碑蔡中郎自云無愧

惟韓昌黎既逝蘇學士信其爲神

棟折榱崩吾儕尙何所庇賴

山高水遠後人生無限低徊

如切如磋如琢磨想鍛鍊精純學問隨閱歷以俱到  
有猷有爲有操守看規模廣大人才以比較而自知

爲郭宅擬喪聯

我先人強自振興赫赫隆名有聲社會

予小子懼難負荷茫茫前路願奮修途

盛德有誰如悵望椿庭拔地建基承先啟後

哀衷無可告廢吟我什自天降禍泣血椎心

思昊天罔極之恩木壞山頽無父何怙



觀大地羣容陡變霜寒月冷觸景皆悲

己丑遊泮後婚娶喜聯

時年二十歲

銜應小登科宴爾新婚恰秀才名彰驥尾

余取合字號尾  
六名恰居榜尾

爻占中饋主競傳佳話羨京兆筆畫蛾眉

時事羨紛華應謂兩全其美

科名賴微倖敢誇一戰之功

輓熊卜臣尊人恆山翁

下榻曾留小賓客

登堂猶憶古衣冠

備廬聯語甲集終